

APPENDIX FESTORUM

PLURIMIS GERMANIÆ DIŌCESIBUS

Die 15 Martii

S. CLEMENTIS
MARIA HOFBAUER

Confessoris
Commemoratio

AD LAUDES

Ant. Euge, serve bone * et fidélis, quia in pauca fuisti fidélis, supra multa te constituam, intra in gáudium Dómini tui.

V. Iustum dedúxit Dóminus per vias rectas. **R.** Et osténdit illi regnum Dei.

Oratio

Deus, qui beátum Cleméntem Mariam miro fidei ró-bore et invíctæ constántiæ virtúte decórasti: eius méritis et exémplicis fac nos, quæsumus, ita fortes in fide et caritate fervéntes; ut præmia consequámur ætérna. Per Dóminum nostrum.

Die 7 Aprilis

S. HERMANNI IOSEPHI

Confessoris

III classis [111]

AD MATUTINUM

Bened. Ad societátem.

Lectio iii

Hermánus, Colóniæ Agripinæ natus, a prima infántia filiáli prorsus teneróque afféctu cum púero Iesu eiúsque sanctíssima Matre conversabátur. Duodécimo ætátis anno pétiit, ut in monastérium Steinfeldense Ordinis Præmonstraténsis reciperétur. Sacerdotáli ordine auctus, summa pietáte necnon caritátis et humilitátis virtútibus eminébat. Intima ac mirábili familiaritáte cum Beáta Mariá Virgine ita coniúctus erat, ut in visione a binis ángelis cum ipsa mystice sponsári noménque Ioseph accipere dignarétur. Plura compósuit cármina religiósa. Sénio tandem conféctus diem obiit supréum quadam post Pascha féria quinta, mediánte sæculo décimo tertio, eiúsque corpus in ecclé-sia Steinfeldensi religiosissime asservátur. Cuius fama sanctitátis, virtútum, miraculórum cum in dies exímia evasisset, Pius Papa duodécimus, Sacræ Rítuum Congregatiónis votis obsecúndans, cultum Beáto Hermánno Iosépho, Sancto nuncupáto, ab immemorábili témpore præstitum, confirmáre benigne dignátus est. – Te Deum 643.

Die 22 Aprilis S. Conradi a Parzham Conf. (2)

AD LAUDES

Lectio iii

V. Iustum dedúxit Dóminus per vias rectas. (**T. p.** Allelúia.) **R.** Et osténdit illi regnum Dei. (**T. p.** Allelúia.)

Ad Bened. ant. Euge, serve bone * et fidélis, quia in pauca fuisti fidélis, supra multa te constituam, intra in gáudium Dómini tui. (**T. p.** Allelúia.)

Oratio

Deus, qui beátum Hermánnum Ioséphum Confessórem tuum in benedictiónibus dulcédinis a puerítia prævenisti: præsta, quæsumus; ut innocéntis et sanctæ vitæ eius vestigiis insistentés, ad cæléstem pátriam, in qua gloriósius exsúltat, securi perveniámus. Per Dóminum.

AD VESPERAS

V. Iustum, ut supra.

Ad Magnif. ant. Hic vir despiciens mundum * et terréna, triúmphans, divítias cælo cóndidit ore, manu. (**T. p.** Allelúia.)

Die 21 Aprilis

S. CONRADI
A PARZHAM

Confessoris

III classis [111]

AD MATUTINUM

Bened. Ad societátem.

Conrádus in óppido Parzham diœcésis Passaviénsis piis honestisque paréntibus natus, inde a púero, modéstia et solitúdinis amóre, quanta futúrus esset sanctitáte, præmonstrávit. Integra iuventúte in agrórum cultúra transácta, ut Deo libérius famularétur, mundo valedícere státuit; quaprópter, perámplo patrimonió abdicáto, inter fratres laicos Ordinis Minórum Capuccinórum adnumerarétur, obtínuit. Statim ab emissa professione, ad sanctæ Annæ convéntum civitátis Altéttingen missus ibique ianitoris officio addictus est; quod ad óbitum usque máximo proximórum emoluménto in ómnibus tum ánimæ tum córporis necessitatibus exércuit. Erga Eucharístiam assiduo flagrávit devotiónis afféctu, et Deíparam Virginem tamquam matrem cotidiánis obséquiiis cóluit. Migrávit ad Dóminum anno millésimo octingentésimo nonagésimo quarto (1894), ætátis suæ septuagésimo quinto. Hunc Dei fámulum Pius Papa undécimus anno millésimo nongentésimo trigésimo inter Beátos réttulit; et quadriénno post, Sanctórum fastis sollémniter adscripsit. Te Deum laudámus 643.

(15) **Die 31 Oct. S. Wolfgangi Ep. et Conf.**

tíssima, ætérni regis sponsa, cuius aula splendéscis sicut stella fulgentíssima.

Die 31 Octobris

S. WOLFGANGI

Episcopi et Confessoris

III classis [67]

AD MATUTINUM

Bened. Ad societátem.

Lectio iii

Wolfgángus in Suévia natus post médium sáeculum décimum Tréviris scholásticus ecclésiæ cathedrális et decánus clericórum erat. His et maióribus honóribus renúntians monástium vitam in monastério Eínsiedeln ampléxus est. Sacris ordínibus a beáto Udalrico initiátus in Pannónia Evangélium prædicávit, mox autem a Piligrimo Pataviénsi episcopo ab incépto revocátus est ópere. Propter coniúnc-tam in ea exímia cum pietá-te prudéntiam imperatóris Ottónis secúndi stúdio toti-úsque cleri et pópuli accla-matióne ecclésiæ Ratisbo-nénsi præfécus est. Monas-tério sancti Emmerámi re-stitútis provéntibus insíg-nem virum Romuáldum præ-pósuit. Alia monastéria in-

stítuit aut collápsa disciplína ad reguláris vitæ normam perdúxit. Bohémis, quo amplióra apud illos fides incre-ménta cáperet, contépto suæ ecclésiæ detriménto et reiéc-tis aliórum consíliis, próprium dari episcopum libentíssime permísit. Plus quam vigínti annis in boni pastóris múnere peráctis sanctíssimam vitam anno nongentésimo nonagésimo quarto (994) conclúsit et Ratisbónæ in templo sancti Emmerámi sepúltus est.

Te Deum laudámus 372.

AD LAUDES

V. Iustum dedúxit Dóminus per vias rectas. **R.** Et osténdit illi regnum Dei.

Ad Bened. ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui.

Oratio

Deus, qui nobis ætérnæ salutis beátum Wolfgángum Episcopum ministrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum.

Vesperæ de sequenti.

INDEX

		<small>pag.</small>
Clementis Maria Hofbauer Conf. Com.	15 mart.	(1)
Hermanni Iosephi Confessoris	7 april.	(1)
Conradi de Parzhams Conf.	21 april.	(2)
Petri Canisii Conf. et Eccl. Doct.	27 april.	(3)
Bonifatii Ep. et Mart.	5 iunii	(7)
Udalrico Ep. et Conf.	4 iulii	(12)
Hildegardis Virg.	17 sept.	(13)
Wolfgangi Ep. et Conf.	31 oct.	(15)

AD MANUSCRIPTUM

APPENDIX FESTORUM
PLURIMIS GERMANIÆ DIŒCESIBUS

Bonn / Denkendorf, verlag nova & vetera 2008
ISBN: 978-3-936741-80-3

Alle Rechte vorbehalten. – All rights reserved.

www.novaetvetera.de